

Međunarodne organizacije i bh. partneri pokreću novu inicijativu u borbi protiv organiziranog kriminala

Visoki predstavnik, Paddy Ashdown, specijalni izaslanik generalnog sekretara UN-a u BiH, Jacques Paul Klein, zapovjednik SFOR-a, general John Sylvester, ministar unutarnjih poslova Federacije, Ramo Masleša i ministar unutarnjih poslova Republike Srpske, Dragomir Jovičić su u petak najavili novu inicijativu u cilju jačanja organa vlasti za provođenje zakona u Bosni i Hercegovini i povećanja njihove sposobnosti u rješavanju problema koji pogađa čitav region, tj. organiziranog kriminala.

Prema ovoj inicijativi, IPTF će početi zajedničku obuku "najelitnijih" policijskih jedinica u Republici Srpskoj i Federaciji BiH, tako da mogu učestvovati u zajedničkim operacijama u borbi protiv organiziranog kriminala. U početnoj fazi će 25 policajaca iz oba entiteta zajednički imati obuku u bazi SFOR-a u Butmiru.

"Zahvaljujući aktivnostima IPTF-a i SFOR-a, oba entiteta sada imaju dobro obučene jedinice specijalne policije sposobne da provode sofisticirane policijske aktivnosti", rekao je novinarima visoki predstavnik. "Međutim, jedan od najvećih problema sa kojima se susrećemo je taj da međunarodni i međuentitetski kriminalci djeluju na cijeloj teritoriji BiH. Da bi ih porazile, institucije za provođenje zakona u BiH će trebati mnogo više raditi zajedno."

Visoki predstavnik je rekao da će zajedničke operacije biti moguće kada početkom naredne godine budu uspostavljeni i počnu raditi specijalno vijeće i specijalni tužilac za borbu protiv

organiziranog kriminala.

Ambasador Klein je konstatirao da se ova inicijativa oslanja na temelje koji su već postavljeni kroz program obuke IPTF-a i napore UNMIBH na promoviranju međuentitetske i regionalne saradnje između policijskih snaga. General Sylvester je dodao da će pored obuke u Butmiru SFOR staviti na raspolaganje stručno znanje svoje specijalizirane multinacionalne jedinice, pod vođstvom italijanskih karabinjera u cilju pružanja pomoći u praktičnoj obuci.

“Kriminal ne poznaje granice,” rekao je ministar Jovičić. “Ova inicijativa pokazuje da ni policijske snage u BiH također ne poznaju granice.”

Ministar Masleša je konstatirao da su bh. policijske snage već smanjile stopu kriminala, u odnosu na evropski prosjek, i da to “ne bi bilo moguće postići bez dobre saradnje između svih policijskih snaga u BiH.”

Visoki predstavnik je rekao da će više podataka o zajedničkoj obuci biti na raspolaganju prije početka programa obuke u septembru.